

"Табиғи монополиялар субъектілерінің қызметін жүзеге асыру қағидаларын бекіту туралы" Қазақстан Республикасы Ұлттық экономика министрінің 2019 жылғы 13 тамыздағы № 73 бұйрығына өзгерістер мен толықтырулар енгізу туралы

Қазақстан Республикасы Ұлттық экономика министрінің 2021 жылғы 5 қаңтардағы № 1 бұйрығы. Қазақстан Республикасының Әділет министрлігінде 2021 жылғы 6 қаңтарда № 22035 болып тіркелді

БҰЙЫРАМЫН:

1. "Табиғи монополиялар субъектілерінің қызметін жүзеге асыру қағидаларын бекіту туралы" Қазақстан Республикасы Ұлттық экономика министрінің 2019 жылғы 13 тамыздағы № 73 бұйрығына (Нормативтік құқықтық актілерді мемлекеттік тіркеу тізілімінде № 19242 болып тіркелген, Қазақстан Республикасы Нормативтік құқықтық актілерінің эталондық бақылау банкінде 2019 жылғы 20 тамызда жарияланған) мынадай өзгерістер мен толықтырулар енгізілсін:

көрсетілген бұйрықпен бекітілген Табиғи монополиялар субъектілерінің қызметін жүзеге асыру қағидаларында:

197-тармақ мынадай редакцияда жазылсын:

"197. Заңның 24-1-бабына сәйкес кәсіпкерлік субъектілерінің белгіленген қуаты 200 кВт-қа дейінгі электр қондырғыларын энергия беруші ұйымдардың электр желілеріне қосуды қоспағанда, электрмен жабдықтау, жылумен жабдықтау, газбен жабдықтау, сумен жабдықтау және су бұру желілеріне қосу мынадай кезеңдерден тұрады:

1) осы Қағидаларға 4-қосымшаға сәйкес 6-нысан бойынша сәулет және қала құрылысы органы сәулет-жоспарлау тапсырмасын, топографияны дайындау кезінде қалыптастыратын және электрондық нысанда табиғи монополия субъектісіне жіберетін техникалық шарттарды беруге арналған өтінішті беру;

2) табиғи монополия субъектісінің сәулет және қала құрылысы органының техникалық шарттар беруге немесе реттеліп көрсетілетін қызметтер көлемін ұлғайтуға арналған өтінішін қарауы;

3) табиғи монополия субъектісінің техникалық шарттарды сәулет және қала құрылысы органына жіберуі;

4) сәулет және қала құрылысы органдары Қазақстан Республикасы Ұлттық экономика министрінің 2015 жылғы 30 қарашадағы № 750 бұйрығымен бекітілген Құрылыс саласындағы құрылыс салуды ұйымдастыру және рұқсат беру рәсімдерінен өту қағидаларына (Нормативтік құқықтық актілерді мемлекеттік тіркеу тізілімінде № 12684 болып тіркелген) (бұдан әрі – Құрылыс саласындағы құрылыс салуды ұйымдастыру және рұқсат беру рәсімдерінен өту қағидалары) сәйкес сәулет-жоспарлау

тапсырмасымен және топографиямен бірге жүзеге асыратын техникалық шарттарды беруге арналған өтінішті қарау нәтижесін беру;

5) тұтынушының берілген техникалық шарттарға сәйкес барлық жұмыстарды орындауы;

б) тұтынушының жұмыстардың аяқталғаны және табиғи монополия субъектісінің желілеріне қосуға әзірлігі туралы хабарлауы.";

мынадай мазмұндағы 197-1-тармақпен толықтырылсын:

"197-1. Кәсіпкерлік субъектілерінің белгіленген қуаты 200 кВт-қа дейінгі электр қондырғыларын энергия беруші ұйымдардың электр желілеріне қосу мынадай кезеңдерден тұрады:

1) кәсіпкерлік субъектілерінің энергия беруші ұйымның электр желілеріне технологиялық қосуға өтініш беруі;

2) кәсіпкерлік субъектілерінің белгіленген қуаты 200 кВт-қа дейінгі электр қондырғыларын энергия беруші ұйымның электр желілеріне технологиялық қосу шартын жасасу және орындау.";

199-тармақ мынадай редакцияда жазылсын:

"199. Осы Қағидаларға 4-қосымшаға сәйкес 1, 3, 4 және 5-нысандар бойынша табиғи монополия субъектісінің желілеріне қосуға немесе реттеліп көрсетілетін қызметтің көлемін ұлғайтуға арналған техникалық шарттарды беруге өтініш қабылдауды және оны қарау нәтижесін беруді, осы Қағидаларға 4-қосымшаға сәйкес 6-нысан бойынша құрылыс объектілерін табиғи монополия субъектісінің желілеріне қосуға немесе реттеліп көрсетілетін қызмет көлемін ұлғайтуға техникалық шарттар беруге сәулет және қала құрылысы органының өтінішін қарау нәтижесін қабылдауды және беруді қоспағанда Мемлекеттік корпорация "электрондық үкімет" веб-порталы немесе табиғи монополия субъектісінің кеңсесі арқылы жүзеге асырады.

Кәсіпкерлік субъектілерінің белгіленген қуаты 200 кВт-қа дейінгі электр қондырғыларын энергия беруші ұйымдардың электр желілеріне технологиялық қосуға арналған өтініштерді қабылдау Қазақстан Республикасы Энергетика министрінің 2020 жылғы 23 қыркүйектегі № 327 бұйрығымен (Нормативтік құқықтық актілерді мемлекеттік тіркеу тізілімінде № 21269 болып тіркелген) бекітілген Энергия беруші ұйымдардың электр желілеріне технологиялық қосу қағидаларына (бұдан әрі – Энергия беруші ұйымдардың электр желілеріне технологиялық қосу қағидалары) сәйкес жүзеге асырылады.";

202-тармақ мынадай редакцияда жазылсын:

"202. Осы Қағидалардың 206-тармағын қоспағанда, табиғи монополия субъектісінің желілеріне қосуға немесе реттеліп көрсетілетін қызмет көлемін ұлғайтуға техникалық шарттар беруге өтініш қаралады:

1) техникалық күрделі емес объектілер үшін – екі жұмыс күні ішінде;

2) техникалық күрделі объектілер үшін – бес жұмыс күні ішінде жүзеге асырады.

Өтінішті қарау қорытындысы бойынша табиғи монополия субъектісі:

- 1) техникалық шарттарды береді;
- 2) техникалық шарттарды беруден бас тартады.

Мемлекеттік корпорация арқылы техникалық шарттарды беруге өтініш берілген жағдайда, өтінішті қабылдау күні және оны қарау нәтижесін беру күні табиғи монополия субъектісінің техникалық шарттарды беру туралы өтінішті қарау мерзіміне кірмейді.

Мемлекеттік корпорация арқылы техникалық шарттарды беруге өтініш берілген жағдайда табиғи монополия субъектісінің өтінішті қарау мерзімі өтініш табиғи монополия субъектісіне келіп түскен күннен басталады және Мемлекеттік корпорацияның нәтижені берген күнін қамтымайды.";

205-206 тармақтары мынадай редакцияда жазылсын:

"205. Құрылыс объектілерін табиғи монополия субъектісінің желілеріне қосуға техникалық шарттарды беруге арналған өтінішті қарау нәтижелерін беруді сәулет және қала құрылысы органдары Қазақстан Республикасы Ұлттық экономика министрінің 2015 жылғы 30 қарашадағы № 750 бұйрығымен бекітілген Құрылыс саласындағы құрылыс салуды ұйымдастыру және рұқсат беру рәсімдерінен өту қағидаларына (Нормативтік құқықтық актілерді мемлекеттік тіркеу тізілімінде № 12684 болып тіркелген) сәйкес сәулет-жоспарлау тапсырмасымен және топографиямен бірге жүзеге асырады.

206. Табиғи монополия субъектісі сәулет және қала құрылысы органдарының өтініші бойынша табиғи монополия субъектісінің желілеріне қосуға техникалық шарттар беруді:

- 1) техникалық күрделі емес объектілер үшін – екі жұмыс күні ішінде;
- 2) техникалық күрделі объектілер үшін – бес жұмыс күні ішінде жүзеге асырады.

Табиғи монополия субъектісінің желілеріне қосуға немесе реттеліп көрсетілетін қызметтің көлемін ұлғайтуға арналған техникалық шарттар жобалау мен салудың нормативтік кезеңіне беріледі.

Сәулет және қала құрылысы органының өтініші бойынша техникалық шарттарды беру оларды табиғи монополия субъектісінің Заңның 24-бабы 4-тармағының 3) тармақшасына сәйкес сәулет және қала құрылысы органына жіберуі арқылы осы тармақта белгіленген мерзімдерде жүзеге асырылады.";

мынадай мазмұндағы 208-1-тармақпен толықтырылсын:

"208-1. Техникалық шарттарды монополистердің тікелей түзетуіне жол берілмейді."

;

215-тармақ мынадай редакцияда жазылсын:

"215. Тұтынушылардың электр қондырғыларын энергия беруші ұйымның желілеріне қосуға арналған техникалық шарттарды энергия беруші ұйым:

- 1) энергия беруші (энергия өндіруші) ұйымның электр желілеріне жаңа енгізілген немесе жаңартылған электр қондырғыларын қосқанда;
- 2) тұтынылатын электр қуаты бұрын берілген техникалық шарттарда белгіленген қуаттан артқанда;
- 3) электрмен сырттай жабдықтау схемасы өзгергенде;
- 4) тұтынушының электр энергиясы қабылдағыштарын электрмен жабдықтау сенімділігінің санаты өзгергенде береді."

217-тармақ мынадай редакцияда жазылсын:

"217. Осы Қағидалармен реттелмеген табиғи монополиялар салаларындағы реттеліп көрсетілетін қызметтерге қол жеткізу жағдайларын ұсыну және электрмен жабдықтау желілеріне қосуға арналған техникалық шарттарды беру Энергия беруші ұйымдардың электр желілеріне технологиялық қосу қағидаларына, Қазақстан Республикасы Энергетика министрінің 2015 жылғы 25 ақпандағы № 143 бұйрығымен бекітілген (Нормативтік құқықтық актілерді мемлекеттік тіркеу тізілімінде № 10403 болып тіркелген) Электр энергиясын пайдалану қағидаларына және Қазақстан Республикасы Энергетика министрінің 2015 жылғы 20 ақпандағы №111 бұйрығымен (Нормативтік құқықтық актілерді мемлекеттік тіркеу тізілімінде № 10533 болып тіркелген) бекітілген Электр энергиясының бөлшек сауда нарығын ұйымдастыру және оның жұмыс істеуі, сондай-ақ осы нарықта қызмет көрсету қағидаларына сәйкес қамтамасыз етіледі."

4-қосымша осы бұйрыққа қосымшаға сәйкес редакцияда жазылсын.

2. Табиғи монополияларды реттеу комитеті Қазақстан Республикасының заңнамасында белгіленген тәртіппен:

1) осы бұйрықты Қазақстан Республикасының Әділет министрлігінде мемлекеттік тіркеуді;

2) осы бұйрықты Қазақстан Республикасы Ұлттық экономика министрлігінің интернет-ресурсында орналастыруды;

3) осы бұйрық Қазақстан Республикасының Әділет министрлігінде мемлекеттік тіркелгеннен кейін он жұмыс күні ішінде Қазақстан Республикасы Ұлттық экономика министрлігінің Заң департаментіне осы тармақтың 1) және 2) тармақшаларында көзделген іс-шаралардың орындалуы туралы мәліметтерді ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Ұлттық экономика вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасы
Ұлттық экономика министрі

Р. Даленов

"КЕЛІСІЛДІ"

Қазақстан Республикасының
Индустрия және инфрақұрылымдық

даму министрлігі

"КЕЛІСІЛДІ"

Қазақстан Республикасының
Цифрлық даму, инновациялар
және аэроғарыш өнеркәсібі
министрлігі

"КЕЛІСІЛДІ"

Қазақстан Республикасының
Экология, геология және
табиғи ресурстар министрлігі
"КЕЛІСІЛДІ"

Қазақстан Республикасының
Энергетика министрлігі

Қазақстан Республикасы
Ұлттық экономика министрінің
2021 жылғы 5 қаңтардағы
№ 1 Бұйрыққа қосымша
Табиғи монополиялар
субъектілерінің қызметін жүзеге
асыру қағидаларына 4-қосымша
1-нысан
Тұтынушы:

жеке тұлғаның тегі, аты, әкесінің
аты (бар болса) немесе заңды
тұлғаның атауы
Тұтынушының мекенжайы,
телефоны, факс және
электрондық поштасы:

(қолы)
20__ жылғы "___" _____

Электрмен жабдықтау желілеріне қосуға техникалық шарттарды беруге арналған өтініш

Объектінің (жұмыс істеп тұрған, реконструкцияланатын) толық атауы, оның мекенжайы, орналасқан жері, қосылу орны)

Техникалық шарттарды беру қажеттілігі (қажеттісін белгілеу):

уақытша электрмен жабдықтауға (құрылыс кезеңіне), тұрақты негізде электрмен жабдықтауға)

Мәлімделген қуат: _____ килоВатт (бұдан әрі – кВт)

Кернеу деңгейі (қосылатын қондырғының номиналды кернеуі)

КВт

Электрмен жабдықтау сенімділігінің санаты (қажеттісін белгілеу): (1, 2, 3)

Қосалқы тұтынушылардың тізбесі және олардың электр қондырғыларының сипаттамалары:

Мыналар қоса беріледі:

2-нысан
Тұтынушы:

жеке тұлғаның тегі, аты, әкесінің аты (бар болса) немесе заңды тұлғаның атауы
Тұтынушының мекенжайы, телефоны, факс және электрондық поштасы:

(қолы)
20__ жылғы " ____ " _____

Тұтынушыны сыртқы электрмен жабдықтау схемалары

- 1) электрмен жабдықтаудың қазіргі жай-күйіне және үш, бес-он жылға арналған даму перспективасына шолу;
- 2) тұтынушылардың электр жүктемелері және оларды өтеу көздері;
- 3) қуат пен электр энергиясының теңгерімдері (қазіргі жай-күйі мен үш, бес-он жылға арналған перспективасы);
- 4) сыртқы электрмен жабдықтау схемасының нұсқалары;
- 5) сыртқы электрмен жабдықтаудың ұсынылатын схемасының негіздемесі;
- 6) қаралып отырған ауданның іргелес электр желілерімен бірге электр режимдерін (қалыпты, авариядан кейінгі режимдер) есептеу;
- 7) жабдықты таңдау үшін қысқа тұйықталу токтарының деңгейлерін есептеу;
- 8) релелік қорғау мен автоматиканы, аварияға қарсы автоматиканы орындау қағидаттары;
- 9) диспетчерлік және технологиялық басқаруды ұйымдастыру қағидаттары;
- 10) электр энергиясын есепке алу (есепке алу аспаптары);
- 11) энергия үнемдеу және энергия тиімділігі бойынша жоспарланған іс-шаралар;
- 12) электр желілік құрылыстың көлемі, құрылыс құнының ірілендірілген есебі;
- 13) тұжырымдар;
- 14) сызбалар: қағидаттық схемалар, карта-схемалар немесе ахуалдық жоспар, электр режимдерін есептеу нәтижелері, диспетчерлік және технологиялық басқаруды

ұйымдастыру схемалары, релелік қорғаныс және автоматика құрылғыларын орналастырудың қағидаттық схемасы.

3-нысан
Тұтынушы:

жеке тұлғаның тегі, аты, әкесінің
аты (бар болса) немесе заңды
тұлғаның атауы
Тұтынушының
мекенжайы, телефоны, факс
және электрондық поштасы:

(қолы)
20__ жылғы "____" _____

Жылумен жабдықтау желілеріне қосуға техникалық шарттарды беруге арналған өтініш

Объектінің (жұмыс істеп тұрған, реконструкцияланатын) толық атауы, оның мекенжайы, орналасқан жері, қосылу орны _____

Тұратындар саны, ыстық сумен жабдықтауды есепке алу аспаптарының саны (тұрмыстық тұтынушылар үшін)

Техникалық шарттарды алу үшін негіз (қажеттісін белгілеу):
жаңадан іске қосылатын объектілерді жылу желілеріне қосу;
тұтынушының жылу тұтыну қондырғыларын реконструкциялауға немесе кеңейтуге байланысты және қолданыстағы техникалық шарттарға сәйкес келмейтін тұтынылатын жылу энергиясының санын (немесе жылу жеткізгіш параметрлерін) өзгерту;
бұрын қосылмаған объектіні жылу желілеріне қосу;
сыртқы жылумен жабдықтау схемасын өзгерту.

Жоба болған жағдайда: жобаланатын объектіні сипаттайтын деректер, оны салудың нормативтік мерзімдері және объектіні пайдалануға берудің белгіленген мерзімдері, ең жоғары қосылатын жүктемелер:

технологиялық мұқтаждар, жылыту және желдету, ыстық сумен жабдықтау _____

Тұтыну түрлері бойынша жылу жүктемелерінің сипаттамалары (жылу энергиясын тұрмыстық тұтыну үшін пайдаланатын тұтынушылар үшін, техникалық паспорт) және жылу техникалық есеп _____

Мыналар қоса беріледі: _____

4-нысан
Тұтынушы:

жеке тұлғаның тегі, аты, әкесінің
аты (бар болса) немесе заңды
тұлғаның атауы
Тұтынушының
мекенжайы, телефоны, факс
және электрондық поштасы:

(қолы)
20__ жылғы " ____ " _____

Газбен жабдықтау желілеріне қосуға техникалық шарттарды беруге арналған өтініш

Объектінің толық атауы: (тұрғын үй, дәмхана, дүкен және т. б.), қызметке қосылатын объектінің мекенжайы _____

Мынадай газ тұтыну жабдығын пайдалану үшін:

1. жылу беру қазандығы _____

саны (дана) (маркасы/моделі/өндіруші/қажетті газ тұтыну қуаты)

2. газ плитасы _____

саны (дана) (маркасы/моделі/өндіруші/қажетті газ тұтыну қуаты)

3. ағынды су жылытқыш _____

саны (дана) (маркасы/моделі/өндіруші/қажетті газ тұтыну қуаты)

4. өзгелер _____

Газды ең көп сағаттық тұтынудың болжамды шығысымен _____

Мыналар қоса беріледі: _____

5-нысан

Тұтынушы:

жеке тұлғаның тегі, аты, әкесінің
аты (бар болса) немесе заңды
тұлғаның атауы
Тұтынушының
мекенжайы, телефоны, факс
және электрондық поштасы:

(қолы)

20__ жылғы "___" _____

Сумен жабдықтау және (немесе) су бұру желілеріне қосуға техникалық шарттарды беруге арналған өтініш

1. Объектінің (жобаланатын, жұмыс істеп тұрған, реконструкцияланатын) толық атауы және мекенжайы:

2. Объектінің мақсаты _____

3. Ғимараттың биіктігі, қабаты, пәтер саны _____

1. Сумен жабдықтау

1. Суға қажеттілік: су сапасындағы $\text{м}^3/\text{тәулік}$ $\text{м}^3/\text{ең көп сағат}$ оның ішінде:

1) шаруашылық-ауыз су қажеттілігіне _____ $\text{м}^3/\text{тәулік}$, _____ $\text{м}^3/\text{ең көп сағат}$

2) өндірістік қажеттіліктерге _____ $\text{м}^3/\text{тәулік}$, _____ $\text{м}^3/\text{ең көп сағат}$

техникалық $\text{м}^3/\text{тәулік}$ $\text{м}^3/\text{ең көп сағат}$
оның ішінде:

3) өндірістік қажеттіліктерге _____ $\text{м}^3/\text{тәулік}$, _____ $\text{м}^3/\text{ең көп сағат}$

б) суаруға _____ $\text{м}^3/\text{тәулік}$, _____ $\text{м}^3/\text{ең көп сағат}$

2. Өрт сөндіруге қажетті шығыс л/сек.

2. Су бұру

1. Ағынды сулардың жалпы саны $\text{м}^3/\text{тәулік}$, $\text{м}^3/\text{ең көп сағат}$ оның ішінде:

1) фекальды _____ $\text{м}^3/\text{тәулік}$, _____ $\text{м}^3/\text{ең көп сағат}$

2) өндірістік-ластанған _____ $\text{м}^3/\text{тәулік}$, _____ $\text{м}^3/\text{ең көп сағат}$

3) шартты-таза _____ м³/ тәулік, елді мекеннің су бұру жүйесіне ағатын _____ м³/ ең көп сағат.

2. Өндірістік сарқынды сулардың сапалық құрамы мен сипаттамасы (тазартылған ағынды суларды су объектісіне тастаудың бекітілген шекті жол берілетін төгінділер (ШЖБТ) тізбесіне сәйкес ластаушы заттардың концентрациясы, РН, қышқылдардың, сілтілердің, жарылғыш, тұтанатын радиоактивті және басқа да заттардың концентрациясы)

3. Есепке алу аспабы _____

Қосымшалар:

6-нысан

Табиғи монополиялар
субъектілеріне (тізім бойынша)

**Инженерлік және коммуналдық қамтамасыз ету көздеріне қосылуға арналған техникалық шарттарды беруге өтініш _____
(мемлекеттік органның атауы)**

инженерлік және коммуналдық қамтамасыз ету көздеріне қосуға арналған техникалық шарттар үшін сауалнама парағын жолдайды.

Қосымша:

Қазақстан Республикасы Ұлттық экономика министрінің 2015 жылғы 30 қарашадағы № 750 бұйрығымен бекітілген Құрылыс саласындағы құрылыс салуды ұйымдастыру және рұқсат беру рәсімдерінен өту қағидаларында (Нормативтік құқықтық актілерді мемлекеттік тіркеу тізілімінде № 12684 болып тіркелген) бекітілген нысан бойынша инженерлік және коммуналдық қамтамасыз ету көздеріне қосуға арналған техникалық шарттар үшін сауалнама парағы.

20__ жылғы "_____" _____